

14 Neony ne kenhheyon ony o-neghshonh eghyaakody etho jikanyadare ne ojire, Neneken ne ken-ikenh ne teke-ni-hadont jikenhheyon.

15 Neony onghkakiok ne ne yaghtaoudetshenry ne nakayhyadonke ne kaghyadonghserakonh ne yonnheonweh kanyadarakeh yenwatyonh ne jiyudekha.

CHAP. XXI.

NEONY Wakatkagtho ne karon-yase nokhony ne onghwenjase: ikenh ne tyuderonghyatyerenghdonh nokhony ne tyudonghwenjatyerenghdonh wadohhetstane; neony yaghdskanyadarekowah.

2 Neony Iih *John* wakatkagtho ne jikanadadokenghdy, ase *Jerusalem*, dayutsuenghdonhhaye ne Niyoh-ueh daweghde dakayakenne karonghyakeh, aontsheronghyaghkwen tho ji-niyught ne yunyakon aontyadaghseronny akarihhonny ne ro-ne.

3 Neony Wakhewennaronke yewennowanen dayewenninekenne ne karonghyakeh, yondon, Satkagthoh, ne jirodaghs kwahhere ne Niyoh ronnesse ne onkwehhokon, neony enskatneh enhhonnakerade, neony raonhha raonkweda enwadon, neony ne Niyoh akwah raonhha enskatneh enhhonneseke, neony ne raodi Niyoh eukenhake.

4 Neony Niyoh tkakonde akwekonh enghshakokaghs-erokewanyon; neony yaghshekonh ne kenhheyon, yahhony ne kanikonghranonghwakdenghsera, ony daonsayonghshenthoh, yahhony shekonh thaonsayeronghyaken: ikenh ne ji-nikarihhodense wahhy wadohhetstane.

5 Neony raonhha ne ne eghrentskwahhere enmitskwaghraghxheradokenghdikeh wahhenron, Satkagthoh, akwekonh oriwase Enskonny. neony wahhakwenhbaghse, Syadonh; ikenh ne ne ken-ikenh ne na nonwennaokon ne norighwiyu ony teweghdaghkonh.

6 Neony wahhakwenhbaghse, Nenwahhy kaweyennen-daonh. Iih ne Jityutyerenghdonh nokhony ne Jiyeyuderih-hokde, ne jiyudaghsawe neony ne jiyeyutde. Iih enhhiyon ne raonhhakeh oxkennu doka enhho-nvadathenghseke ne jiyughnawerinekenhonh ne oghnekanoghs ne yonnheonweh.